



Inatsisartunut ilaasortaq Mala Høy Kúko, Siumut

**Inatsisartut suleriaasianni § 37 naapertorlugu Naalakkersuisunut  
Kuummiuni tunitsivik pillugu apeqqummut nr. 100-mut akissuteqaat**

10-08-2021  
Sagsnr. 2021 - 682

Asasara Mala Høy Kúko

Postboks 1601  
3900 Nuuk

Inatsisartut suleriaasianni § 37 imm. 1 naapertorlugu Naalakkersuisunut  
Kuummiuni tunitsivik pillugu apeqquteqaateqarsimavutit. Apeqquteqaatitit  
uannit akineqarnissaat innersuussutigineqarput.

Tlf. (+299) 34 50 00  
E-mail: pan@nanoq.gl  
www.naalakkersuisut.gl

**Apeqqut 1.**

**Kuummiuni tunitsivik pillugu naalakkersuisut qanoq iliuseqarniarpat?**

**Akissut:**

Naalakkersuisut Kuummiuni Arctic Prime Fisheriesimeersoq ledninginik  
ikkuffiup ajoqquteqarsimanagera peqqutaalluni aalisakkanik tunisassiorfimmi  
tunitsivianilu innaallagissamik pilersuisoqarsimanninnera ilisimaarivaat.

Tamanna pillugu Nukissiorfimmit ilassuteqaateqartoqarpoq. Nukissiorfimmit  
ataani allassimasut ilisimatitsissutigineqarput:

*”Nukissiorfiit Kuummiuni APF-ip aalisakkanik tunisassiorfiani innaallagissamik  
pilersuisoqanninnera pillugu ulloq 24. juuni 2021 ilisimatinneqarsimapput.  
Taassuma kingorna Nukissiorfimmit sulisumik Kuummiunukartitsisoqarsimavoq,  
matumani kukkussutaasinnaasumik misissuisoqarnerani aalisakkanik  
tunisassiorfiup APF-ip nammineq pigisaani ikkuffinnut ledningiani  
nammineerussamik kukkussuteqarsimanagera nalilersuutigineqarluni.  
Nukissiorfimmit pilersuineq APF-p ikkuffinnut ledningilersuutaata  
ikkunneqarnissaata tungaanut ajornaquteqarsimannigilaq, pissusissamisullu  
ingerlasimalluni. Naak ajoqutaasooq APF-p namminerisamik pigisaani  
ajoqutaagaluortoq Nukissiorfimmit aaqinneqarsimavoq, innaallagissamillu  
pilersuineq pissusissamisut ulloq 5. juuli 2021 ingerlaleqqissimalluni.  
Taamaasilluni aalisakkanik tunisassiorfimmit innaallagissamik pilersuineq  
pioereersoq ulloq 5. juuli 2021 aallarnerfigalugu nalinginnaasumik  
ingerlaleqqippoq, aalisakkanik tunisassiorfimmit unitsinneqarsimareerluni.”*

Naalackersuisusimasut Kuummiuni APF-p innaallagissamut pilersorneqarnerata annertusineqarnissaanik Nukissiorfimmut pisussaaffiliinissamik 2020-imi decembarip qaammataani aalajangiussisimapput, tassani aalisakkanik tunisassiorfimmi qerititsisinnaanerup annertusineqarnissaa siunertarinearluni. Tassunga atatillugu APF-p aalisakkanik tunisassiorfianni nutaamik ledningimut ikkuffiliinissamut aningaasat 1 mio. kr. aningaasaliissutigineqarput.

Nukissiorfimmit aalisakkanik tunisassiorfimmut ledningimut ikkuffissap nutaap ikkunneqarnissaa pillugu ima nalunaaruteqarput:

*”Nukissiorfiit aammaarluni aalisakkanik tunisassiorfimmi ledningissap nutaap ikkuffissaanut pisariaqartunik atortunik atugassanik niuerneq ingerlappaat. Atortussat kingulliit Kuummiunut apuunnissaat aasap naalernerani 2021 naatsorsuutigineqarpoq, taassuma saniatigut sanasussat peqatigalugit ataqitigiissaarinerit ingerlanneqalereerlutik. Ikkuffissamut ledningi nutaaq pilersinneqarpat APF-imut piginnittuuneq tunniunneqassaaq. Ikkuffimmut ledningeqarfiusumut atatillugu pisoq nutaamik pilersitsinermut maannamut sunniuteqassanngilaq.”*

## **Apeqqut 2.**

**Aalisartut akiligassaminnik malinnaasinnaajunnaartussat naalackersuisunit qanoq iliuuseqarfiginiarneqarpat?**

### **Akissut:**

Naalackersuisunit Nukissiorfiit ikiuussimasoq kukkussutaasorlu aaqqiivigisimagaa maluginiarneqarpoq, naak kukkussutigineqartoq APF-ip ledninginut ikkuffianiikkaluartoq. Matumuuna aalisakkanik tunisassiorfimmi innaallagissamik pilersuineq pioreersoq ulloq 5. juuli 2021 aallarnerfigalugu ingerlanneqaqqilerpoq, aalisakkanik tunisassiorfimmit unitsinneqarsimareerluni.

Taassuma saniatigut ikkuffiliinermi ledning nutaaq Nukissiorfimmit maanna pilersinniarneqartoq Naalackersuisunit aamma maluginiarneqarpoq, tamannalu aalisakkanik tunisassiornerup annertussusaanik qaffaasinnaanera aalisartunit iluaqutigineqarsinnaassaaq.

## **Apeqqut 3.**

**Fabrikki tunitsivituaq tunumi piginnittuninngaaniit matuneqassappat naalackersuisut qanoq iliuuseqarnissaminnik pilersaaruteqarpat?**

**Akissut:**

Apeqquteqaammut akissuteqarnissamut Aalisarnermut Piniarnernullu Naalakkersuisoqarfimmit ilassuteqaateqarput. Tunitsivik siunissami matuneqassagalarpat qanoq pisoqarnissaanik Naalakkersuisunit maannarpiag isummerfigineqanngilaq.

**Apeqqut 4.**

**Angallammik tunitsivigineqarsinnaasumik tunumiisitsinissamik Naalakkersuisut pilersaaruteqarpat?**

**Akissut:**

Apeqquteqaammut akissuteqarnissamut Aalisarnermut Piniarnernullu Naalakkersuisoqarfimmit ilassuteqaatinik pissarsisoqarsimavoq:

*”Naalakkersuisut tunitsivinnut angallatinik tunniussisinnaanngillat, taamaattorli tunitsivinnut angallateqarsinnaanissamut akuersisinnaallutik. Akuersissut qinnuteqaateqartoqartillugu tunniunneqartarpoq. Naliginnaasumik tunitsivinnut angallateqarsinnaanermut qinnuteqaateqartut tassaakajupput piginneqatigiit imaluunniit aalisartut.”*

**Apeqqut 5.**

**Angallat tunitsivigineqartussaq tikisinneqassappat aalisakkat ullormut qassi tonsi minnerpaamik angallammut tunineqartassappat?**

**Akissut:**

Apeqquteqaammut akissuteqarnissami Aalisarnermut Piniarnernullu Naalakkersuisoqarfimmit ilassuteqaatinik pissarsisoqarsimavoq:

*”Angallat tunitsivittut atorneqarnissaanut aningaasartuuterpassuaqartarpoq soorlu sulisut, atortut, orsussaq, angallatip tunitsiviup tunitsivittut ingerlasinnaanissaa matussuserniarlugu. Angallammiik angallammut pissusissamisut ingerlanissaa eqqarsaatigalugu assigiinngissinnaapput, tassani angallatip nutaanngissusaa, angissusaa, tonsit qassit tigusinnaanera il.il apeqqutaassallutik.”*

Inussiarnersumik inuulluaqqusilunga  
Med venlig hilsen

Kalistat Lund